

Bemba - Agape Malembo Yamushilo - God's Love Letter Scriptures

Yoani 15:9 Nalimutemwa nga filya fine Tata antemwa. Kanshi mwikalilile mu citemwiko candi.

Esaya 43:1 Lelo nomba umfweni ifilesosa Yawe uwakubumba we Yakobo, uwakupanga we Israeli aleti, “Iwe wilatiina iyoo, pantu ine nalikulubula. Ninkwita ishina lyobe, ala uli wandi.

Yeremia 1:5 “Ilyo nshilati nkubumbe munda muli noko, ninshi ine nalikwisha, iyo iwe ushilati ufyalwe, ine ninshi nalikupatula. Ninshi ine nalikusonta ukuba kasesema ku mishobo ya bantu.”

Yoani 15:16 Teimwe mwansala iyoo, nine namusala. Kabili namutuma nokuti muye muletwala ifitwalo, nefi fitwalo fyakubelelela. Lyena Tata akalamupeela conse ico mwamulomba ico muli basambi bandi.

3 Yoani 1:2 We mutemwishi wandi ndakupepelako ukuti uleenda umutende, kabili uleba ne shuko muli fyonse, nga filya waba no mutima we shuko.

Esaya 43:4 Pantu iwe walicindama ku mano yandi, kabili pantu nalikutemwa, Eico nkapeela abaume pakukabulamo iwe, na bantu pakukabushamo umweo obe,

Yeremia 31:3 Ku kale Yawe alemonekela Israeli akatalamukila, no kulamweba ati, ‘Ine nalikutemwisha icitemwiko icishakapwe, na nombaline ncili ninkukwatila icikuku icishipwa.

Hosea 11:8 Bushe ine kuti nakusha shani, we Efulemu? Ngakuti ine nakuposelekesha shani, we Israeli? Bushe ine kuti nakulofya, nga filya nalofeshe umushi wa Adima? Nangu ukukucita nga filya nacitile umusumba wa Seboimu? Awe mu mano yandi ine calikaana, pantu umutima wandi ulakubauka pa mulandu wakukutemwisha iwe.

Yoani 3:16 Pantu Lesa alitemwisha aba pano isonde. Abapeela na Mwane uwabafye umo mpo. Pakuti onse uwamusumina, ekaloba, lelo akwate umweo wape.

Esaya 49:15,16 Bushe umwanakashi kuti alabako ku kana kakwe akanya akaleonka? Bushe kuti apata umwana uo aifyalila, batini? Nangu pambi nyina engalabako kuli mwane, nomba, ine nshakatale kulabako iwe nelyo panono. 16 Iwe Yerusalem, ine tekuti nkulabeko nakalya, pantu ine nalikulemba iwe mu ndupi shandi, ifibumba fyobe fyaba ku cinso candi inshita shonse.

Esaya 41:13 Pantu nine Yawe Lesa wenu, uumwikata ku kuboko kwa ku kulyo. Ndemweba nati, ‘Imwe mwilatiina, pantu nine nakulamwafwa.’

Mateo 28:20 Mulebafunda ukulakonka fyonse ifyo namukonkomesha. Kabili

nakulaba na imwe lyonse mpakafye na ku kupwa kwa calo.”

Yoani 14:1 Mwilaenda ne mitima iyasakamana. Muletetekela muli Lesa, elyo muletetekela na muli ine.

Esaya 41:14 Imwe mwe tufwanda tumwana Yakobo mwilatiina. Imwe mwe bena Israeli, nangu kwena mwacepesha, ala nine Yawe nakulamwafwa. Ine ne Lesa Wamushilo uwakwa Israeli, nine nakulamupusushako.

Esaya 43:2 Ilyo iwe upita mu menshi ayashika, ine ndaba nobe. Ilyo wabuka imimana pansi, amenshi tayakwibisha iwe. Ilyo upita mu mulilo, iwe taubabuka iyoo, ilyo upita mu lubingu lwa mulilo, iwe talukoca nakalya.

Amalumbo 23:1-6 Ulwimbo Iwakwa Davidi. 1 Yawe e kacema wandi, ine nshikabila kantu nelyo kamo. 2 Mu nika ya mulemfwe emo anenga ukutuusha, kibili antungulula ku menshi ayatalala tondolo, 3 Alambwesesa umweo, alantungulula mu nshila iyalungama, pa mulandu we shina lyakwe. 4 Nangu ningapita mu mukonko wa mfwा umwafiita fititi, tekuti ntiine pantu uba na ine. Inkonto yobe no mutambu obe filanteeka umutima. 5 Ulantebeta pa cinsa ca balwani bandi, ulansuba na mafuta ku mutwe, ne cikombe candi caisula pa. 6 Cine cine ubusuma bweka no luse fyakulankonka mu nshiku shonse isha bumi bwandi, na mu ḷanda yakwa Yawe emo nkekalilila pe na pe.

Yoani 14:27 Umutende namushila, mutende wa mu mutima wandi eo namupeela. Nshilemupeela mutende uo abantu ba pano calo bapeela. Mwilaenda abasakamana kibili mwilaba na mwenso.

Filipi 4:7 Elyo no mutende wakwe Lesa, uwacila amano ya bantu, ukasunga bwino bwino imitima yenu na mano yenu ico mwaba muli Kristu Yesu.

Amapinda 3:24 Ilyo waya kukusendama tawakaletiina kantu nelyo kamo, kibili ukalaisendaminafye ubushiku bonse.

Amalumbo 4:8 Nakulalambalala no kulala umutende, pantu niwe weka we Yawe uunsunga mu mutelelwe.

Amalumbo 33:18 Lelo amenso yakwa Yawe yaba pa bantu abamukwatila akatiina, abo abakwata isubilo mu kutemwa kwakwe ukushifilwa.

Roma 5:2 Cisumino muli Yesu Kristu emo twashukila icikuuku cakwa Lesa, ico tulimo. Eico tulasansamuka pakusubila ukuti na ifwe tukakuma ku bucindami bwakwa Lesa.

Esaya 55:12 Ala cine cinefye imwe mukafuma ne nsansa, mu musumba bakamufumyamo umutelelwe. Impili no tupili twine fikapongomoka mu tupundu twansansa, ne miti yonse mu mpanga ikatotela.

Yoani 16:22 Kanshi na imwe pali nomba muli no bulanda. Lelo nkesa mumona nakabili, lyena imitima yenu ikesulafye insansa. Elyo isho nsansa, tapakabe nelyo umo uwakumupokolola.

Luka 12:9 Lelo uyo uukankaana pa bantu, nao Umwana wa muntu akamukaana pa cinsa ca bamalaika bakwa Lesa.

Mateo 10:30 Elyo ne mishishi ya ku mitwe yenu ine, yonse intu yapendwa.

Esaya 54:10 Nangu impili shingaseshiwa no tupili twasholomoka, icitemwiko ico ine nakukwatila iwe, awe tacakabale aciseshiwa, ine nakulasunga pe icipangano icakulaikala umutelelwe, efyo ine ne Yawe nalanda, ne wakukwatila uluse.

Mateo 11:28-30 “Iseni kuli ine mwe bacucutika na mwe batitikishiwa, na ine ndemupeela ukutuusha. 29 Muleitwika ikoli lyandi, mulesambilila na kuli ine, pantu ndi wamutembo, nalifuuka no mutima. Lyena elyo mwakulaikala ne mitima tondolo. 30 Pantu ikoli lyandi talyayafya, ne cipe candi calyanguka.”

Ulwimbo 2:10 Umutemwikwa anjita nokutila kuli ine, “Ima we mutemwikwa wandi, we wayemba wandi natuleya.

Hosea 2:14,19,20 Kanshi ulya mwanakashi ine nkamusembeleka no kumutwala mu matololo, emo nkaya landa kuli ena amashiwi yamutembo. 19 “Nkakukobekela ukuba uwandi umuyayaya, nkakukobekela mu bololoke no mulinganya, mu citemwiko icishipwa na mu luse. 20 Ine nkakukobekela ukuba uwandi mu cishinka, na iwe ukeshiba Yawe.

Ukafuma 3:14 Lesa ayasuka Mose ati, “Nine UWABAPO. Ukebe abena Israeli auti, ‘UWABAPO euntumine kuli imwe.’”

Hosea 13:4 Yawe aletila ati, “Ine nine Yawe Lesa wenu, nine namufumishe ku calo ca Egupto. Tamwakwatapo Lesa na umbi nakalya, kanofye ine neka. Ine neka nine mupusushi wenu.

Yoani 15:14 Kanshi imwe muli bacibusa bandi, kumfwa nga mulekonka ifyo namukonkomesha.

Ubusokololo 3:20 Mona! Ninjiminina pa mwinshi ndekonkonsha. Umo nga aumfwa ishiwi lyandi, anjiswilako iciibi, nkengila mumwakwe, elyo ine na ena tukalya nankwe pamo.